



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXII. De Legatione S. Joannis Baptistæ ad Christum.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

adultæ ætatis, & quatrduanum in sepulchro, manibus pedibusque ligatum (qui est Symbolum hominis tardè conversi ad DEVM, & longa vitiorum consuetudine constricti) voce magna clamavit : *Lazare, veni foras!* Joan. 11. v. 43.

MEDITATIO CCLXII.

De Legatione S. Joannis Baptista ad Christum.

Luc. 7. v. 19. Matth. 11. v. 2.

PUNCTUM I. *Et nunciaverunt Joanni Discipuli ejus de omnibus his. Et convocavit duos de Discipulis suis Joannes, & misit ad JESUM dicens: Tu es, qui venturus es, an alium expectamus?* Luc. 7. v. 18. Quemadmodum Christus sæpe interrogavit propter alios, quamvis omnia sciret; ita S. Joannes misit Discipulos suos, interrogatum, non propter se, sed propter ipsos Discipulos, & propter eos, qui audituri erant publicam interrogationem, quando teste Luca v. 20. coram frequente populo legati ad Christum dixerunt: *Joannes Baptista misit nos ad te, dicens: Tu es, qui venturus es, an alium expectamus?* Volebat enim S. Joannes hac interrogatione de se ab hominibus conceptam Messiaë suspicionem in Christum refundere, tanquam manifestis Miraculis jam ab ipso contestatam, & in præsentia Discipulorum contestandam. Hic mos humilium est, (tibi proinde hic in Exemplum propositus) ut honorificas de se opiniones in alios derivent, utque omnes quærant occasiones se deprimendi, & alios supra se efferendi, ac magnos reddendi, in quibus

bus Christum intuentur: adeoque quasi Christum se-
pra se ipsos extollunt, alibi testantem, sibi factum
æstimare, quidquid Proximo fecerimus.

PUNCT. II. *In ipsa autem hora multos curavit
langnoribus, & plagis, & spiritibus malis, & cæcis multis
donavit visum. Et respondens, dixit illis: Euntes, renun-
ciate Joanni, quæ audistis, & vidistis. Quia cæci vident,
claudi ambulant, leprosi mundantur, surdi audiunt, mortui
resurgunt, pauperes evangelizantur (scilicet à me) & Be-
tus est, qui non fuerit scandalizatus in me. Nolebat Chri-
stus directè respondere; sicut quando Judæis interro-
gantibus apud Joan. c. 8. v. 53. Quem te ipsum facis
dixit: Si ego glorifico me ipsum, gloria mea nihil est: est Pa-
ter meus, qui glorificat me. Itaque nunciari jussit facta
quibus Pater Cælestis testatus est, Eum esse, qui ven-
turus est Redemptor per mortem Crucis, & Judex
vivorum, ac mortuorum. Sic noli te ipsum verbis
laudare, sed laudent te facta tua: & factis te ostendat
esse eum, qui es: es autem Religiosus, tendens ad
perfectionem omnium Virtutum.*

PUNCT. III. *Considera, quare Christus inter
Signa veri Messiae, & Filij DEI posuerit illam animi
sui demissionem, quâ non dedignabatur pauperibus
Evangelium prædicare, & cum illis tam familiariter
conversari, ut Beatum diceret, qui sua Humilitate
non offenderetur, & vilem de se opinionem non
conciperet. Nempe sicut recensita Miracula erant
testimonium Potentiæ Divinæ, sic animi Demissio
erat testimonium Sapientiæ Divinæ, in Christo tantum
quam Filio DEI residentis; eò quòd, cum sit propria
contraria Sapientiæ mundi, hoc ipso non possit non
esse Sapientia Cælestis, & à solo Filio DEI profecta.*

Hinc etiam pastoribus Luc. 2. v. 12. Signum recens
nati Servatoris, five Messiae hoc datum est: *Et hoc vo-
bis signum: Invenietis infantem, pannis involutum, &
positum in Praesepe.* Hanc & tu Sapientiam addisce.

MEDITATIO CCLXIII.

Christi de S. Joanne Baptista Elogium

Luc. 7. v. 24. Matth. 11. v. 7.

PUNCTUM. I. *Et cum discessissent nuntij Joannis, capit
de Joanne dicere ad turbas.* Luc. v. 24. Dum Chri-
stus post discessum Discipulorum Joannis de laude
ejusdem differuit, duo hodiernis hominum moribus
prorsus contraria Exemplo suo nos docuit: nempe
vitandum esse vitium adulationis; propterea exspe-
ctavit discessum eorum, qui auditas laudes ad S.
Joannem fuissent relaturi: & simul vitandum esse
vitium detractationis, quo de absente minus honori-
ficè loqui solemus, vel saltem laudes ejusdem eleva-
re, ac imminuere, existimantes, nostræ æstimatio-
ni decedere, quidquid alterius laudi accedit. Christus
verò absentem Joannem summis laudibus coram
universo populo affecit, nihil metuens, ne is sibi ab
alijs præferretur.

PUNCT. II. Considera, quid Christus in S.
Joanne specialiter laudaverit, dicens: *Quid existis
in desertum videre? arundinem vento agitatam?* Hoc, ve-
lut responsione indignum, sola interrogatione fal-
sum testatur. An non autem tu talis? Arundo es,
Virtute vacua, vanâ gloriâ & inani tuâ existimatio-
ne tumens, quovis flatu verborum, quovis pro-
spero,

H 3

spero,